

大同府志

T 3149/4372.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1938

4



大同府志卷之六

大同府知府吳輔宏纂輯

哈佛大學漢和圖書館珍藏印

古蹟

杜預沉碑韓陵片石憑弔俯仰古今同慨往蹟之流傳  
顧不以人重歟雲郡為前代用武之地兵燹劫塵遺跡  
蓋寡然而芒芒舊壤山川猶是觀乎版築則秦蒙恬之  
業朗而存焉披乎圖牒則北魏以來之城邑若可觀焉  
若夫斷碣殘銘荒塋廢壠其足以揮雍門之琴而扣西  
州之策者又何可勝道哉志古蹟

大同府



大同縣衙郭

雲中古城府城北郭外秦漢之雲中故城卽唐雲中都護府唐書地理志雲中都護東北距朔州五百五十七里自唐置雲州於恒安鎮始改定襄縣曰雲中其實元魏之平城卽漢鴈門郡之平城縣也魏大興元年定都平城始營宮室建宗廟立社稷二年增啟京師十二門孝文帝遷都洛邑改爲司州牧唐呂令問雲中古城賦棄萬里之沙漠傍五原之風土肇爲此都實惟太祖池桑乾之水苑秦城之牆百堵齊矗九衢相望張嵩賦一太陰以建極則廣莫而論都遂徵板幹庀徒卒鏗嶢嶢削

岫岫因方山以列樹按長城以爲窟

平城外郭明一統志城東五里本漢平城縣其外郭乃北

魏所築在無憂坡上一作無榆坡魏書稱參合陂土無

榆樹亦此類也又攷魏書太宗紀泰常八年築平城外

郭周廻三十三里舊志謂西魏所築者謬

元魏宮垣遼史地理志元魏宮垣占城之北面雙闕尙在

後爲天王寺按今府城北門外有土臺東西對峙蓋雙

闕也寺久廢爲厲壇其地猶稱天王臺云

鹿苑魏書天興二年己亥春道武帝起鹿苑於南臺陰北

距長城東包白登屬之西山廣輪數十里鑿渠引武川



水注之苑中疏爲三溝分流宮城內外又穿鴻鴈池四  
年起石池鹿苑臺泰常六年發京師六千人築苑起自  
舊苑東包白登周圍四十餘里顯祖時中書令高閭著  
鹿苑頌以今地界攷之當在府治東北

靈泉池在方山下魏書太和九年六月行幸方山遂幸靈  
泉池自後歲幸十四年七月文明太后與高祖幸靈泉  
池燕羣臣及藩國使人諸方渠帥各令其爲方舞高祖  
帥羣臣上壽太后忻然作歌帝亦和歌遂命羣臣各言  
其志於是和歌者九十人

文石室鑿元殿並在方山北魏太和三年建十九年九月

癸酉拜永固陵夜宿鑿元殿按方山在今府北五十里  
相傳有北魏二陵及方山宮址

白登宮北魏泰常四年築卽漢平城東七里白登山地今  
所稱小白登也先是永興四年立太祖廟於白登山至  
泰常四年八月帝嘗於白登廟將薦熟有神異焉九月  
築白登宮

靜輪壇府城南三里元魏道士寇謙之建按魏書真君三  
年謙之奏造靜輪宮水經注以爲神麴四年造太平真  
君十一年毀未詳孰是今其地名八疇

武周山石窟在府西武周山中元魏高宗時僧曇曜請於



大同府志 卷之六  
城西武周塞鑿山石壁開窟五所鑄建佛像各一高者七十尺次六十尺彫飾奇偉冠於一世顯祖皇興元年行幸武周山石窟寺四年幸鹿野苑石窟寺太和四年六年七年屢幸武周山石窟寺按今寺在府西三十里左雲界特當時石窟之一迤東十數里巖壁間遺跡宛然舊志載石窟十寺其名詳見祠祀疑卽水經注所稱山堂水殿煙寺相望者已無可稽考今城西十五里佛字灣觀音堂猶存石佛數尊或其遺也

燕昌城水經注羊水出平城苑之西苑外武周塞北出東轉逕燕昌城南燕慕容垂建興十年輦過平城北四十

里疾篋乃采燕昌城而還北俗謂之老公城按魏書皇始元年慕容垂來攻桑乾川遂至平城西北踰山結營築城自守卽此城也羊水疑卽今得勝河則燕昌城當在今府西北得勝堡之南東曰宣公西曰皇始

定襄故城府城西北二十里漢爲郡唐爲縣皆治此開元間改爲雲中縣有陰山青坡二道皆出兵路

恒安鎮遼志北魏置恒州齊文宣廢州爲恒安鎮周隋因之唐貞觀十四年置定襄縣爲雲州治開元二十年更名雲中遼始析雲中爲大同縣卽今治也

牛皮關城東六十里牛皮嶺下唐書雲中東有牛皮關金



史大同有牛皮關卽此今名牛皮嶺鋪

遼金宮垣府城西門有二土臺蓋宮闕門也路寢之基猶存遼志晉高祖割山前代北地大同來屬重熙十三年因建西京鎮樓棚櫓具廣袤二十里門東曰迎春南曰朝陽西曰定西北曰拱極設畱守司衙南曰西省北門之東曰大同府北門之西曰大同驛金志大定五年建西京宮室其門南曰奉天東曰宣仁西曰阜成

遼西京國子監在府城和陽街明洪武八年建府學於此二十九年改爲代府武宗幸大同嘗駐蹕焉崇正末燬於兵火今存黃琉璃壁一座上有九龍文土人謂之九龍壁

鳳臺城內西北隅一名梳妝樓相傳遼蕭后居此左右二臺各高數丈元大德十一年地震圮其左延祐間右臺亦圮後其地爲鳳臺坊坊亦久廢無可考舊志所謂鳳臺曉月也或云今縣學西南基是

銅石像在舍利坊華嚴寺中按遼史清寧八年建華嚴寺奉安諸帝銅石像石像五銅像六內一銅像袞冕垂足而坐餘俱常服今並失所在金史世宗大定六年夏五月幸西京華嚴寺觀故遼諸帝銅像元史石天麟傳云遼國主后銅像在西京者今尙有之是銅像元時尙存



而石像元亡矣

遼普同塔石幢在上華嚴寺大殿前高五尺徑尺餘方隅八面面文有字其畧云佛鼎尊勝陀羅尼幢蜀賓沙門佛陀波利奉詔譯立幢人司文顯本山普同塔立在城西楊柳坡東至官道南至溝西至山頂北至溝周匝爲計維太康二年歲次丙辰十月小甲申朔十七日庚子日庚時記按此非寺中物楊柳坡未詳本行經淨飯王抱太子謔自在天神廟神像起禮拜太子足王驚曰我子於天神中更爲尊勝五蘊論觀察智品卽陀羅尼梵語陀羅尼此云總持謂得一切智總持可法也唐李白

有尊勝陀

羅幡文又遼天成縣創建無垢淨光法舍利

塔記畧云

無垢淨光陀羅尼經者自大唐天冊金輪皇

帝萬歲元

年天竺三藏觀貨羅國沙門彌陀山譯布中

金夏塔建於開泰八年皆此類也

落星石在北關真武廟蒼黑色方圓尺餘厚如之其左方

微缺非全壁也旁鐫字蹟俱磨滅不可辨

金西京大普恩寺重修大殿記碑皇統三年二月丁卯宋

修武郎借吉州團練使充通問副使婺源朱弁撰文同

知西京畱守大同尹兼本路兵馬都總管府事丁晦仁

篆額西京路都轉運副使孔固書大定十六年立石



金西京大普恩寺重修釋迦如來成道記碑明昌元年試

國子祭酒兼翰林直學士知制誥同修國史党懷英篆

額銀青榮祿大夫柱國金源郡開國公食邑二千戶食

實封二百戶 闕名 書開府儀同三司判西京留守大同

尹兼本路兵馬都總管食邑一萬戶食實封一千戶大

功德主 闕名 立石

金西京大華嚴寺重修薄伽教藏碑大定二年立石都人

段子卿撰記張公徽篆額沙門法慧書

元西京大慈嚴寺佛日圓照明公和尚碑銘雲峯寺住持

祥邁撰六西京路總管兼大同府尹田介篆額靈邱縣

曲廻寺住持悟圓書至元十年立石

### 懷仁縣

蘭池城漢志沙南縣有蘭池城遼志懷仁縣本漢沙南縣

### 地

早起城在縣南三十里北魏孝文帝築土人名雞鳴城亦

日食時城金志懷仁縣有早起城

日中城魏孝文帝築金志懷仁縣有日中城水經注武周

塞水逕日沒城南蓋夕陽西頽征車所薄之故城也東

有日中城城東又有早起城在黃瓜阜北曲中按今縣

東南六十里有日中城堡正在黃花岡之北



東城遼志太祖與晉王李克用會於雲州之東城又云奉義縣析雲中置後唐武皇與太祖會此是東城即奉義縣而懷仁在其西說詳沿革

南池水經注桑乾枝水又東流津委浪通結兩湖東湖西浦淵潭相接水至清深晨鳧夕鴈泛濫其上黛甲素鱗潛躍其下頰仰池潭意深魚鳥所寡唯良木耳俗謂之南池池北對泮陶縣之故城省志云懷仁縣近漢泮陶縣地按今縣東南十五里高鎮子堡舊爲鎮子海周廻四十五里中產鯉魚重數十筋水禽蕃育後居民決水渠導流於桑乾河遂涸疑卽古南池也

聚仙臺縣西南六十里大羅寺南上有仙人鐵拐李遺跡利國鐵冶在縣西十五里清涼山又西十里錦屏山亦舊有鐵冶按元史食貨志鐵在河東者太宗丙申年立爐於西京州縣撥冶戶七百六十扇焉武宗至大元年立河東都提舉司掌之所隸之冶八利國其一也一統志清涼山有利國鐵冶

梨園縣西二十里元薛御史果園明入代府址存今其地名梨園村

劉晏莊在縣南六十里相傳昔劉晏居此嘗出粟賑饑里人德之以名其莊或疑爲唐鹽鐵轉運使劉晏按唐書



劉晏傳曹州南華人曾避地襄陽累官河東三川其後  
貶死中州與雲州無涉又按宋史劉晏嚴州人入遼舉  
進士宣和四年來歸見忠義傳懷仁於宋時爲遼地或  
入遼時所居無可證實及考山陰縣志劉晏前明貢生  
兒選舉今劉晏莊在山陰縣北地本鄰接必懷仁人而  
籍山陰也故士人亦稱劉官莊

山陰縣

南平城卽新平城魏書太祖天興六年九月行幸南平城  
規度灑南面夏屋山背黃瓜堆將建新邑天賜三年遂  
於其地築宮規立外城方二十里分四市里經塗洞達

今灑水經山陰縣北又北有黃花岡卽黃瓜堆縣南大  
山卽古夏屋是山陰爲南平城地無疑矣

忠州故城在今縣城西南十五里金貞祐二年陞山陰縣  
爲忠州築城

御射臺舊志云在山陰縣南三十里龍門山後魏文成帝  
嘗射於此有碑記其陰刻從臣姓氏又云龍門山一名  
隘門按水經注澣水自靈邱縣南流入峽謂之隘門其  
水沿澗西轉逕御射臺南臺在北阜上臺南有御射石  
碑又攷魏書靈邱南有山高四百餘丈和平二年高宗  
過之詔從官仰射山峯無能踰者高宗一發出山三十



餘丈過山南二百二十步遂刊石勒銘其後高祖自洛  
 北巡至高宗射銘之所詔諸弟及侍臣試射惟北海王  
 詳箭不及高宗箭所十餘步高祖嘉之遂詔勒銘亦指  
 靈邱南山言與水經注合况滋水為澹河上流源出渾  
 源翠屏山東南流逕靈邱廣昌入倒馬關未嘗屈逕山  
 陰也繫之靈邱為正

蕭太后營縣西南二十里安銀子村相傳遼太后駐兵處  
 遺址宛然按遼史后妃傳應天奮擊室韋承天御伐瀆  
 淵仁懿親破重元皆長於射御軍旅田獵未嘗不從營  
 衛志行營謂之捺鉢其在河陰無可考疑亦郡城梳妝

樓之類俱屬後人傳會耳

復宿山房在縣南二十五里復宿山下明王文端家屏及  
 子柳州太守濬初讀書於此

遼節度使開國伯沙彥珣墓碣銘縣南三十里沙家寺東  
 山坡明正德中水衝出

金玉拱碑在佛宿山碑云文殊大師畱宿處

應州

應州故城今城東十里唐天寶初大同節度使王忠嗣所  
 築乾符間李國昌為節度使移築天王村南故城遂廢  
 按唐書王忠嗣傳稱自朔方至雲中袤數千里據險築



城斥地甚遠城應或其時也唐書沙陀傳雖載李國昌父子轉側蔚朔間屯兵新城之語此卽遼史神武川之新城東當爲今寧武地則移築之說究無確據

黃昏城傳是後魏孝文帝築疑卽水經注所稱日沒城也

金史地理志金城縣有黃花城按黃花城因黃花岡得名花昏或音近之訛今其地隸大同縣

金鳳城州東北天王祠前後唐明宗生此中有金鳳井元好問詩此地曾經海眼開古今人喜暢奇哉料應丹穴相穿透飛出摩天金鳳來

後唐明宗祖廟州城東北隅卽今淨土寺基州續志云寺

建於金天會年歷今數百載而佛殿榱桷之下以木板雕鏤龍鳳嵌置其間金碧照耀尙未剝落其制異於他寺故老傳係明宗祖廟前室寢殿在今北城外後移建城垣隔斷故址遂廢攷五代史明宗天成二年追尊四代祖考皆爲皇帝妣爲皇后立廟應州是必實有其地所言或非訛傳存疑可也

金城廢縣在州城內唐置縣爲州治遼金元皆因之明初省入州改縣治爲安東衛治永樂間嘗掘地得金城縣

印

泊城州治西大定街北久廢



冽靜山房州東南三十里小石峪口東坡上相傳唐田游  
巖棲此後名大覺精舍按田游巖京兆三原人永徽時  
補太學生罷歸入太白山自蜀歷荆楚愛青溪止廬其  
側以薦召赴京師行及汝辭疾入箕山居許由祠旁高  
宗幸嵩山親至其門勅乘傳赴都拜崇文館學士尋放  
還見唐書隱逸傳其在應無攷未審所據

龍首書院在州治西南遼翰林學士邢抱朴建今儒學基  
是也東爲一經樓抱朴母陳夫人教子讀書處遼史列  
女傳邢簡妻陳氏甫笄通經義好吟詠時以女秀才名  
之歸於簡有六子陳氏親教以經後二子抱朴抱質皆

以賢位宰相

三岡四鎮趙霸岡城東二十五里護駕岡城南三十里相  
傳魏孝文駐蹕於此故名黃花岡城西四十里山陰境  
安邊鎮城東二十里大羅鎮城南四十里司馬鎮城西  
十五里神武鎮城北四十里金元好問詩所謂南北東  
西舊有名三岡四鎮護金城也攷遼史太祖討室韋唐  
盧龍節度使劉仁恭發兵數萬遣養子趙霸來拒霸至  
武州太祖伏兵桃山下擒之按桃山在今直隸萬全縣  
西北應山何以得名或霸被擒後安置於此猶余睹本  
遼宗室子降金畱西京今州西有余睹谷也存之以備



大同府志 卷之六 古蹟 一說

釋迦木塔州城佛宮寺內遼清寧二年建高三十六丈圍半之六簷八角上下皆巨木爲之層如樓閣玲瓏宏敞浮圖之麗甲於宇內元順帝時地大震七日塔旁屋宇盡頽惟塔屹然不動馮觀察雲驤登塔詩序畧曰塔建自遼七級八面高見數十里朱欄碧瓦玲瓏飛竦登之河水一杯孤城如彈也

碧柳園金榮國公高汝礪別業卽今柳樹巷十里山創製小有園州西十五里康興莊金權州節度使康公弼憇此書堂巖在城南三十里茹越山金進士曹之謙講學處

望城樓州南二十里下社村觀音寺元韓元帥浩習靜處寺後有樓卽古望城遺址州治西南四十五步又有韓元帥故宅俗謂之梳洗樓

透玲碑相傳唐晉王墓上石光明如鏡元季兵燹止畱二尺許明正德間鎮守中官刻詩置塔壁

古石經柱在州城關帝城隍二廟八角石上蓋遼金時筆渾河碑在東關龍王廟石螭首上篆刻開荆渾源河碑記明成化時州人得於渾河

渾源州

故崞縣州西二十里橫山左側遺址尙存今地名麻家莊



水經注崞山縣故城王莽之崞張也縣南面恒岳右背崞山處三山之中故名崞張其西山謂之崞口按恒岳在今州南橫山在州西南北橫互疑橫山卽古崞山說詳沿革

飛石窟在北嶽觀右側按大茂山碑舜皇巡狩詣此將登祀值大雪弗能進而遙祀之俄有石飛墜帝前遂以安王石名五載復狩其石載飛曲陽帝命卽其地祠祀焉其飛石窟尺寸固安王符券也明知府閻鉅有飛石窟記

通元谷在恒山東頂相傳張果燒丹處唐開元時果賜號通元先生故名壁刻果老仙跡四小篆明邢其任書極古勁

歸潛室在玉泉山之西金劉京叔祁壬辰還鄉里躬耕自給築室榜曰歸潛壁間書張橫渠東西二銘自撰記作歌寂通居士陳時可撰歸潛堂銘

龍山遺蹟州西南四十里封龍山金時李冶元好問張德輝嘗游此號龍山三老山中有劉京叔麻信之諸賢題詠

翠屏書院州南七里翠屏山金狀元劉撝右丞蘇保衡荷鳳讀書於此



鳳山書院州西北七里鳳凰山下明時郡人司務孫聰建  
 標十二景曰鳳鳴亭翠微樓得月軒秋香圃藏書窟鼓  
 琴洞奕棊臺釣魚磯碧水竇彩雲巖金魚塘瑞蓮池  
 雲閣虹橋在磁窰峽口兩崖鑿孔架巨梁構樓於上明巡  
 道楊述程登恒山記云南行十里許至磁窰口兩岸峭  
 削如門上有石窟架閣猶餘橫木數十蠡剝欲盡傳者  
 以為宋把守三關處也

風葫蘆紈扇張君祥刻石在磁峽口

壯觀唐李太白書刻磁峽東崖筆力遒勁人多摹搨明成  
 化十年建太白祠於崖上祠久廢府署儀門右壯觀碑

之一糶之於民如此民必方田以買緡積  
 年登則常積歲凶則直給詔從之又攷高  
 畿甸之民饑甚者出靈邱下館之粟以救五月十五日  
 邱置倉之証特義倉名曰北魏時未之聞

覺山古塔在縣東南三十里北魏太和中建在或云殿廡  
 游覺山寺記云寺門右腋一白浮屠高三  
 冢上小浮屠高與塔側百步許古井一  
 人名塔井三奇

蕭后城縣西南三十里蕭冢坡傳是遼蕭太  
 有武靈王墓  
 東十里似未



楊六郎城距蕭家坡二里相傳宋將楊延昭  
 縣界林關峪有六郎城遺址考宋史傳延昭  
 兼緣邊都巡檢使二十餘年中外目為楊以敵城目之  
 廣靈宋何繇築城惟雍熙三年遣都部署注滋水又東  
 飛狐靈邱等城是時延昭父業副潘美分  
 雲應寰朔四州延昭為其軍先鋒豈嘗築  
 可證實當是明成將屯兵處

擲虎澗縣東北二十里相傳李存孝牧羊於  
 逐虎過其地存孝搏殺之隔澗擲還遂養  
 代史義兒傳存孝飛狐安氏子太祖掠地時儉則加私  
 其摹本也

龍山詩碣在大雲寺中金郡人雷思撰并書閻傳云明察  
 元重修律呂神祠碑州西北七里至元六年其乏可為靈  
 東昌教授麻治撰文北界姑山

元劉源祀恒岳記碑舊在元靈宮左今失所前令宋起鳳  
 階版是也呂仙詩碣元姚六謙書陰符經  
 靈邱縣

靈邱故城今城西二十餘里按水經注應劭  
 葬其東南二十里故縣氏之今縣西二里  
 則故城當更在其西北也舊志云在今城



核

所築又廣靈

欽城在縣西北水經注溫泉出靈邱縣西北昭嘗知保州

逕興豆亭北亭在南原上傾欹而不正世六郎按靈邱

按溫泉出渾源州東南百里湯頭舖東南田重進攻下

流至蔡家峪入靈邱界道北伐攻拔

石銘陁在縣西水經注滹水出靈邱縣高氏城屯守耶無

上有石銘題言冀州北界故世謂之石銘

義倉縣東南二十里隘門山相傳後魏置按此李晉王獵

太和十二年有司上言請析州郡常調九以為子按五

度支歲用之餘各立官司豐年糴貯於倉代北得之給

其摹本也

財以取粟官

龍山詩碣在大雲寺中金郡人雷思撰并書閻傳云明察

元重修律呂神祠碑州西北七里至元六年其乏可為靈

東昌教授麻治撰文北界姑世附之不論也

元劉源祀恒岳記碑舊在元靈宮左今失所前令宋起鳳

階版是也呂仙詩碣元姚六謙書陰符經十丈塔左山

靈邱縣遂不可測土

靈邱故城今城西二十餘里按水經注應劭

葬其東南二十里故縣氏之今縣西二里后所築故壘

則故城當更在其西北也舊志云在今城



核

所築又廣靈

欽城在縣西北水經注溫泉出靈邱縣西北昭嘗知保州

逕興豆亭北亭在南原上傾欹而不正世六郎按靈邱

按溫泉出渾源州東南百里湯頭舖東南田重進攻下

流至蔡家峪入靈邱界道北伐攻拔

石銘陁在縣西水經注滹水出靈邱縣高氏城屯守耶無

上有石銘題言冀州北界故世謂之石銘

義倉縣東南二十里隘門山相傳後魏置按此李晉王獵

太和十二年有司上言請析州郡常調九以爲子按五

度支歲用之餘各立官司豐年糴貯於倉代北得之給

事帳中賜姓名無搏虎之說縣志又載縣東北五里有

石人臺言唐時鄧氏女過此有感生存孝尤屬荒誕

大勝甸縣東六十里金元交兵於此故名郡人徐化溥有

詩

廣靈縣

古長城縣南十五里直峪山舊志云漢武帝元光五年築

址存按漢書武帝紀元光五年夏發卒萬人治鴈門阻

險縣在漢爲代郡西南境疑同時并築

平舒故城史記趙孝成王十九年燕以葛武陽平舒予趙

正義曰平舒故城在蔚州靈邱縣北九十三里水經注



祁依水逕平舒縣之故城南魏土地記曰代城西九十  
里有平舒城今縣西十里有平水村故城在其南舒水  
或亦音近之譌耳

莎泉亭水經注泉水導源莎泉南流水側有莎泉亭按莎  
泉縣屬北靈邱郡見魏書地形志太延二年發定州七  
郡一萬二千人通莎泉道見張黎傳是並以泉得名也  
今縣西二十里有莎泉即壺河源

直谷關今名直谷口唐書地理志靈邱有直谷關其北有  
孔嶺關大安鎮時縣境未析

寡婦城縣東北七里相傳夫遠成妻築城以居址存又縣  
南二里有古城遺址甚狹耆老云秦皇時築

插箭嶺縣東南二十里相傳宋將楊延昭插箭於此按明  
史有插箭浮圖等峪今攷其地當在廣昌南

聶諒故里縣東南二十里加斗村諒元總管也  
孝子袁表故里縣南十五里留老山下

洗馬莊縣東二十里飛鳳山下元侍郎龐清居此清嘗官  
洗馬今訛洗為西

陽高縣

白登臺縣東南二十五里有碑銘遼史地理志長青縣本  
白登臺地為漢高帝被圍七日處遼始置縣有青陂梁



元帝橫吹曲朝跋青陂暮上白登按漢書註服虔曰白登臺名去平城七里顏師古曰在平城東山上去平城十餘里水經注亦云今平城東十七里有臺卽白登臺漢平城屬鴈門北魏平城屬代卽今府治今陽高東南之白登去府治百二十餘里與服氏顏氏酈氏之說皆不合疑非故地矣說詳山川

高柳塞縣北十里漢景帝中三年中尉魏不害屯此爲今開山口搆風崖迤北地卽唐青坡道也

娘子城距白登村二十里

叱嶮城水經注鴈門水出鴈門山東南流逕高柳故城北

又東南流逕叱嶮城按鴈門水卽十里河由開山口入繞城而東折而南入白登河疑雲門山卽古鴈門山高柳故城當在今縣北豐鎮南叱嶮城則在縣東馬家莊

大紀家莊諸村也

莫含壁代左將軍關中侯莫含故宅在桑乾川南世稱莫

含壁或音訛謂之莫回城云見魏書本傳省志繫之陽

高豈以縣境有名南川遂實其爲桑乾川南耶含鴈門

繁峙人初辟劉琨從事居近塞下爲穆帝所知求舍於

琨乃入代其後琨徙五縣民於陘南含家獨畱水經注

崞川水南出崞山縣故城南又西出山謂之崞口北流



逕繁時故城東按崞川水源出今渾源州東北流逕州西南十五里古崞縣麻家莊西北流入應州界又折而北入桑乾是古崞縣在渾源繁時故城當在今應州界矣又按今桑乾河繇馬邑山陰南東流逕應州西涼亭村賈家寨曹娘子村白塘子村劉霍莊鄭家莊凡二十里有奇疑莫含故宅正在此二十里間始存以俟考太師莊縣西北十餘里明英國公張輔莊也河水灌溉稱沃壤按明史英國公張懋及鄭宏各置田莊於邊境歲役軍耕種大同巡撫年富劾之見富傳懋輔子嗣英國公亦累加至太師性豪侈又頗股削軍士屢爲言者所

糾見本傳與年富傳合是太師指懋非輔也舊志省志俱誤

陽和臺卽北城上建元帝宮殊壯麗臺上有古井  
天鎮縣

平邑故城史記趙獻侯十二年城平邑漢書地理志代郡有平邑縣水經注濕水東北逕平邑縣城南按桑乾河由陽高縣東流入縣馬營堡境經蘆子屯東西太保村小鹽場入直隸西寧界疑古平邑城在南川諸村以北說詳沿革今縣南七十里有大古城門云  
陽原故城一統志在天鎮縣南漢置縣屬代郡後漢省水



經注濕水東逕陽原縣故城南北俗謂之北邢州城縣志云應在邑南川諸村及西寧縣西南桑乾河之北

三會城託台亭水經注託台谷水上承神泉於葦壁北東逕陽門山南託台谷謂之託台水東逕三會城南又東逕託台亭北縣志云陽門山卽城東南諸山託台谷在陽門山南則三會城當在今姜前屯託台亭當在馬家溝也

羅亭水經注延鄉水出縣西山東逕延陵縣故城北又東逕羅亭魏書代人羅結年百七歲詔聽歸賜大甯東川爲居業并築城號羅侯城桑鄴書城亦謂之亭如興豆

亭欽城之類是也縣志云延陵故城當在新平羅亭當在平遠按延鄉水卽今西洋河源出新平堡西北邊外豐鎮境東北流逕七家營又東逕高廟子東石嘴流入縣境之馬市口又東逕平遠堡西洋河堡入直隸懷安界

玉泉驛舊志云隋置按今縣北鄧家園有玉泉是驛之受名以此史志無考疑屬後人附會詳沿革

蕭后井在縣東四十里蕭牆堡相傳蕭后駐兵於此井水盈溢去後如故

馬市樓在新平堡北三里馬市口上有宣威二字石額明



嘉靖二十九年大同總兵仇鸞請開馬市明年春以侍郎史道莅其事給白金十萬開市大同隆慶四年通貢市總督王崇古議定大同市場應於左衛北威遠堡邊外其在新平堡外者乃萬歷二年黃台吉所改也陽高縣北守口堡外亦有馬市樓

石鼓縣西南百里鷲峰寺中擊之有聲

盤山古松縣東南八里盤山石蓮峯下大可十圍枝幹蒼老相傳隋唐時物縣令陳際熙有詩又縣西五十里龍泉寺古楊一株傳是唐貞觀間尉遲恭手植

豐鎮廳

古長城廳治北察哈爾界有古城址相傳秦蒙恬築土色皆紫故名紫塞按載籍云秦長城起臨洮至遼東則雲代在其中或云今內三關之間有版築迹與起臨洮至遼海者為一城為秦之長城其在宣大以北者起赤城止五原乃元魏秦常八年所築按史記趙肅侯築長城自雲中以北至代武靈王自代並陰山下至高闕為塞秦并天下使蒙恬北築長城起臨洮至遼東延袤萬餘里是長城始於戰國而勿萬里以為限者特因其舊而增拓之攷漢書地理志雲中鴈門代郡皆秦置故史記蒙恬傳云渡河據陽山透蛇而北也水經注陽山即陰



山一統志陰山即大青山在今歸化城北二十里東接察哈爾界廳在陰山東南得漢雲中東境代西北境故應在秦長城內矣大率趙秦洎北魏舊蹟俱在明邊垣之外其在內三關者疑齊隋以後所築或北宋時遺址緣宋時跨忻代應等州為界耳

且如故城漢書地理志代郡且如縣有于延水出塞外水經注于延水出塞外柔元鎮西長川城南小山東南流逕且如縣故城南又東南逕馬城縣故城北俗謂是水為河頭又東逕零丁城南按于延水即今東洋河源出古廳東北察哈爾正黃旗五祿戶灘南流逕八戒窰黑土

外其西即撫冥鎮窰田刺溝又東流入直隸張家口旗界皆與廳北境在萬全縣北見畿輔通志是馬城當馬射臺魏書世祖始在廳東北界矣且如亦作沮洳北魏觀走馬王公諸國洳城即此縣志云馬城故城在今察差按長川在柔元河之南

疑今旗地內之亮同縣有盛樂城按盛樂漢志作豺山宮北魏離宮也書穆帝統一部居定襄之盛樂故城三年正月北巡豺置盛樂郡乃遼金元之豐州今歸化宮遂登定襄角史

參合陂按定襄馬爾正紅旗界俗稱議事臺漢武帝元



山必附近代都今騎登此通典雲中有單于臺漢武自  
無可證實省志云

獨谷孤城水經注如泉綱目集覽曰白道在古雲中郡省  
東流逕故城南北道泉天鎮縣志西洋河源出邊外飲  
南流逕永固縣因民地內有名飲馬溝小飲馬溝者疑  
塞外之葫蘆海南天鎮縣北四十里廢樺門堡有飲馬  
上有北魏遺址卽

得勝口內獨谷孤志柔元鎮在天鎮東北邊牆外按水  
單于都護府唐書雲外柔元鎮魏書孝文紀太和十八年  
海都護府於古雲通鑑註柔元鎮在漢且如縣西北塞

臺折而東逕碾房則柔元當在正黃旗界撫冥在正紅

葛河合零丁故城毗連

在廳東界且如當光元年築馬射臺於長川上親登臺

神瑞二年行幸沮君以下馳射賜中者金錦繒絮各有

哈爾正黃旗哈兆鎮西北其南卽泰昌八年築城處也

成樂故城金史地理馬臺是其故址

成樂定襄郡治魏天興六年築於豺山遂名魏書天賜

卽此至永興中所山宮校獵至屋孤山四月復幸豺山

城界詳沿革山又幸馬城五年行幸豺山宮遂如

單于臺廳西北察哈城參合俱在今府北說詳沿革是豺



封初勒兵十八萬廳境所稱狼頭山者疑近古豺山然將待邊處 屋孤山即夏屋未審所據

飲馬長城窟即白道渾水出涼城旋鴻縣西南五十餘里

志云大同北有白俗謂之獨谷孤城水亦即名焉又東

馬池東西二灣今山堂之目以氏縣也按如渾水源出

即古長城窟也又流入得勝口東南逕方嶺右脇相傳

長城窟碑 永固石室也今考其地永固縣當在

柔元鎮撫冥鎮一統城則在牧地永旺莊左近矣

經注于延水出冥中都護府龍朔三年置麟德初徙瀚

幸柔元鎮胡三省中城號雲中都護府改雲中為單于

大都護府以殷王旭輪為單于都護載籍云瀚海所徙

史文曰古雲中單于府所置但曰雲中是其時有新舊

兩城也一統志新雲中在大同北郭外古雲中在豐勝

之間相去四百餘里

鬪雞臺在岐王山唐乾符三年雲中守捉使李克用偕程

懷信等募士萬人趨雲州次鬪雞臺即此岐王山詳見

山川

石元山寨相傳後唐周德威屯兵處寨址尚存

其塚墓附

上古三皇墓府城南十五里王家莊見一統志輿地記山



西通志按史記補三皇本紀以太皞女媧炎帝為三皇其說蓋本於帝王代紀三五歷與譙周宋均之說不同通考太昊葬宛邱在陳州女媧葬趙城縣東南在晉州炎帝葬長沙在潭州俱有地可證一說天皇地皇人皇攷天皇氏兄弟十二人地皇姓十一人立各萬八千歲人皇兄弟九人分長九州凡一百五十世合四萬五千六百年今三塚相距乃數十步荒渺無稽尤不足深辨後世天皇地皇人皇之名見於遼史太祖元年上尊號曰天皇帝后曰地皇后天顯元年冊皇太子倍為人皇王是也太祖陵在祖州述律后附焉倍墓先在洛後改

葬鑿巫閭山俱與西京無涉惟北魏文明太后葬方山其東北即高祖壽宮惠太后葬崢山府西北外有盛樂金陵廣靈縣東北五里亦相傳有金諸王墓或誤以為魏金遺蹟為遼之故塚又以遼天皇地皇之號遂指為上古之三皇也歟

祁皇墓一作岐王在府東北三十里孤山之北塚頭峻絕如山亦名岐王山攷前史所載祁岐諸王俱與大同無涉惟宋徽宗子謨封祁王靖康中從帝北遷其葬處亦無考又攷北魏桓帝皇后祁氏嘗攝國事時人謂之女國后史不言其葬所高宗興安二年發京師民穿天淵



池獲桓帝葬母封氏石銘有司以聞蓋道武以前屢經播遷紀載闕畧雲中盛樂二陵外當時已往往失之疑祁皇即祁皇后脫一后字耳史文曰女國后者猶言女國君故後人直謂之祁皇理或如此

北魏文明太后墓府北五十里方山魏書太和五年起作八年而成十四年冬十月癸酉文明太皇太后葬此號永固陵水經注方嶺上有文明太皇太后陵陵之東北有高祖陵舊志所謂北魏二陵也今其處未詳或曰俗稱祁皇墓

唐段文昌墓舊志云在府城東八里東塘山唐人碑已剝

落按文昌齊州臨淄人褒公志元三世孫卒於西川節度其先墓在荊州具見唐書本傳未聞其葬雲州也攷段秀實之孫文楚咸通末為雲州防禦使李克用引兵攻之死於鬪雞臺下唐書本傳沙陀傳及五代史唐本紀皆合蓋其時國昌父子構禍方亟文楚倉猝遇害不得歸葬汧陽固其宜耳昌楚音轉字訛踵誣襲謬若此之類當亟為更正

金尚書沈璋墓府東百二十里沈家莊子彥祥孫思忠胥有碑見舊志按金史沈璋傳璋字之達奉聖州永興人嘗官尚書禮部侍郎天德元年致仕卒永興為今保安



州地疑卽其人第史傳附載子宜中天德三年賜楊建中榜及第與舊志彥祥不合安得讀墓碑而證之與

耿氏三塚府城西二十里失其名明一統志武州山下有耿氏三塚金皇統四年建塔父曰光祿子曰銀青孫

曰昭勇

元丞相脫脫墓府東百二十里大旺村有碑記大同李氏其後也元史脫脫自雲南大理騰衝移置阿輕乞之地哈麻鳩之中書遣尙舍卿七十六至其地易棺衣以殮省志云騰衝阿輕乞在雲南徼外碑記未詳按本傳脫脫死八年監喪御史張冲等上章雪其寃詔復官爵豈

至是乃克返葬

然元史別有兩脫脫其一魯國王木

華黎四世孫官王浙江行中書省其一爲康里脫脫阿

沙不花母弟也位至丞相爲名臣嘗居宣德別墅而與

和之天成阿沙不花土田在焉疑大旺村之墓是康里

脫脫

舊志墓在城東百里友宰村誤

集賢學士許子遜墓府東關外無榆坡上

叅政杜唐卿墓府城廢南堂寺前唐卿郡人官至浙江

省叅政

明代藩諸墓代簡王桂墓戾王遜端墓隱王仕壘墓懿王俊杖墓昭王充耀墓恭王延琦墓定王鼐鉉墓並在採



掠山惠王成鍊墓思王聰沫墓並在馬鋪山又橋頭山  
獨角岡齊家山七里山合河山亦代諸墓  
布政郭紀墓府南十里

副使李翰臣墓府城西北三里

右通政劉文墓在府城南

舊志誤作劉翰林

主事王用中墓府西北八里陳家莊石坊存

右布政張爾基墓府西南七里周家店碑存

知縣李承弼墓府城東北八里

苑馬卿覃應元墓府南二十五里馮家莊碑坊存

知縣李亨墓府城西北三里

都御史溫景葵墓府東八里牛家莊前有碑記

郎中李一鶚墓府城南十里

侍郎王從義墓府西北陳家莊石坊碑碣存

主事焦承光墓在府城西

贈都督同知諡忠勇林椿墓在府城東南

總兵焦澤墓在周家店西

都督孫國臣墓府城南

都督李熙墓府城東

國朝主事張于德墓在陳家莊

提督楊鯤墓府西南口泉道十里鋪南



提督霍昇墓府城南關外神道碑存

總兵劉章子總兵問政墓並在城西寨坡村

總兵曾謨墓府城西南瓦窰道距城五里

總兵高鼎墓府東南三十里黨留莊有

敕建石牌坊 諭祭碑

總兵魏麟墓在西門外七里望雲寺東石牌坊存

總兵史成墓在東關外東倉坡古城村之西距城四里

諭葬碑存

贈提督諡勇烈任舉墓府城東水坡寺前有

諭葬碑國子祭酒介休梁錫璵誌銘

提督史載賢墓在古城村北距城六里

提督史宏蘊墓在東倉坡真武廟南距城二里

鑾儀使畢映墓府城西北八里雷公山前

正副將魯明墓府西門外

孝子張光壁墓城西十五里觀音堂西山上

黃烈婦墓府南郭外戴掌窰

以上大同縣

金河清公張詡墓縣東八里下寨村

元平章曹立墓縣西北四老溝碑存

薛御史墓逸其名墓在縣西二十五里薛家莊石阜存



明布政劉道墓縣南十五里曹四老莊西碑存

副使王汝濂墓縣西南十五里半截橋南地名輝鳳坡

金弟孝廉汝浹誌其墓

殉節儀賓王爾揚烈婦代宗女合葬墓同縣

國朝知縣魏正心墓在城外口泉道東距縣五里有碑碣

五代唐昭義軍留後康君立墓縣東十五里

遼節度使沙彥珣墓縣南三十里沙家寺東山坡明正德

間水冲碣出

元元帥安明本墓縣東六里

明知府米瓘墓縣東關外

巡撫成文墓縣北四十里

巡撫郭登庸墓縣南沙家寺村北

御史郭民敬墓在縣東北

僉事郭石墓縣南三里

贈大學士王憲武墓縣北四十里周家莊大學士王錫

爵誌銘

太保諡文端王家屏墓縣西北三十里河陽堡給事中

鄒元標誌銘

以上山陰縣

大同府志



唐朱邪府君墓在馬神祠下石函蓋存上有篆文曰唐故汾州刺史朱邪府君墓誌銘秀水朱彝尊檢討石蓋記云後唐明宗父電嘗贈汾州刺史又葬於應州其爲電墓無疑舊志載晉王李克用墓在城東安邊鎮南按克用以天祐五年葬鴈門五代史可據今代州西八里栢林寺側有李晉王墓當以此爲正其在安邊鎮南者殆亦明宗祖墓歟

五代周太師周密墓在州東城下莊誌石存明隆慶間塌出州續志云攷宋史周廣傳廣之先應州神武川人父密事晉歷鄜延晉二鎮節度使周廣順初至太師致仕是周密墓在應州無疑通志疑墓係周德威之祖未審所據然周廣順時密何繇歸葬故鄉則亦不可究詰矣

遼樞密使邢抱朴墓州東二十里安邊鎮西金丞相高汝礪墓在城南接馬峪前石獸存應州錄事司劉筠墓宋澤撰墓誌畧云應州寅賓里劉愈詮將合葬其父母來以問銘於余明昌六年葬於金城之東今再卜泰和三年合葬於上瑞鄉白家堡東原之下子三人長曰愈詮次曰愈安三曰愈勵誌石在今城隍廟內爲柱形方隅八面高二尺許徑一尺亦古所



罕見者

元都元帥韓浩墓在州南茹越口前按宣化府志載蔚州東北君子疇有元彰國軍節度使韓浩墓浩嘗任元帥兼彰國軍節度使二墓未詳孰是

左丞李彥古墓州城東北翁仲碑碣存

明尚書石瑁墓州東南羅家里劉義村前卽石氏祖塋大學士李賢誌

編修侯復墓在城南碑存

御史王勣墓州城南

都給事寇謙墓州南下社村

御史陸厚墓州東北邊耀山前

贈監丞田盛墓在南關尚書石玠誌銘

知州田天澤墓在南關墓上有循吏傳碑尚書孫丕揚

撰

太僕丞杜榮墓城西一里

主事霍希夔墓城東龍首山之陽

贈通政使田維魯墓在州東聖水原侍郎孫繼臯誌銘

維魯通政使蕙之父

指揮使唐鑑墓在城東安邊鎮北舊志唐將軍墓釋云

鎮國將軍唐鑑省志作鎮國將軍朱唐鑑按明史郡王



之諸子授鎮國將軍其鎮守總兵官掛將軍印者無此  
 號省志加一朱字欲實其為鎮國將軍也洪武中東宮  
 親王世系各擬二十字字為一世依世次立雙名以上  
 一字為據其下一字則取五行偏旁以火土金水木為  
 序鑑字從金似矣曾不考代府二十字內並無唐字即  
 二十三王子孫亦無以唐字為據者攷州志載安東衛  
 指揮使唐鑑嘉靖間以孝旌疑即其人明制衛職得充  
 叅遊等官遊擊亦稱將軍或鑑嘗以指揮充遊擊故謂  
 之唐將軍省志山川門載唐泉在州東二十里安邊鎮  
 泉自石澗出以唐鑑墓其地故名不聞正朱唐鑑也今

更正 泗水縣武氏墓在州南

總兵劉伏戎墓在城東南二十里

國朝總兵張大鳳墓在州城西里

左光圖墓前明嵩縣知縣歸里卒貧不克葬魏敏果象  
 樞買地葬之墓在魏里南馬莊里

以上應州

北魏惠太后竇氏墓在崞山本世祖保母尊為皇太后諡

曰惠初后嘗登崞山有終焉之志故葬焉見魏書疑崞

山即今橫山在州西二十里

金狀元劉撟墓州北二十里



右丞蘇保衡墓州西北七里岡下

翰林應奉劉從益墓州東二十里

翰林修撰雷淵墓城西北十七里

元集賢學士雷膺墓在城西北十五里

都元帥高定墓城西南二十里

尙書孫公亮墓州西北二十二里

明布政李彝墓州城東北二里

布政孫逢吉墓州城東北二里

大理評事翟廷楠墓州南二十里長村嶺之陽

贈光祿丞張汝舟墓在州南

以上渾源州古公城

趙武靈王墓在縣西五里縣以此名史記註武靈王葬代

郡靈邱縣

明侍郎張俊墓在縣東北五里

僉事李孟旭墓縣東北五里

知縣李茂森墓在縣東北三里

金李先生墓在東河南村先生字溥涯逸其名代州諸生

嘉靖隆慶間教授於此生徒常數十人多所成就及歿

門人爲之營葬今猶稱李先生墓云

國朝巡撫周召南父墓縣東南召栢村



知府劉愈奇墓

總兵杜如焜墓

以上靈邱縣

金諸王塚縣東北五里大塚累累土人傳是金諸王之墓

信武將軍康筠墓在縣西三十里北土嶺村

元侍郎龐清墓縣東北洗馬莊有翁仲石獸

元帥張守中墓縣西二里翁仲石獸存

同知齊震墓縣西三里壺流河之南

縣知州聶仁墓縣東南二十里加斗村有碑

明侍郎齊韶墓在縣西北十里井子窰村南有古松數

碑碣存

贈光祿丞李景墓在縣厲壇南有碑

通判白塗墓縣東北五里有碑

都督僉事馬芳墓縣東北中焦山村有塔芳蔚州人

儀賓武進儒墓城西三十里南村東里許

國朝孝子韓一蘇韓一歐墓城西三十里南村北里許

義士周子德周子道墓縣北二十里一斗泉

義士李冀墓

以上廣靈縣

明副將倉義墓在開山口



將軍曹安墓距縣十里餘西山之麓天順間敕修以有迎駕功也石幢翁仲存

總兵倉自盈墓在沙河北

總兵李東陽墓在縣西山距城十里碑碣存

總兵張魏墓縣南十五里碑存

總兵張萬邦墓在開山口大學士韓爌誌銘

通判李毓秀墓在城西榆林村

知縣林桂墓縣南青中村之南

知縣李正茂墓在衛官人屯

國朝雲門山人徐化溥墓在縣城北四里

知府崔邑俊墓縣城西南三里廟有碑

總兵母椿齡墓

總兵王萬邦墓縣西北七里織錦莊訓導王金龍誌銘

以上陽高縣

明巡撫李植墓在南川龍池堡

副使蒞綸墓縣東南五十里筆峰山大學士王家屏誌

銘

副將策墓在城西北三里侍郎孫如游誌銘翁仲石

獸存

都指揮王墓在縣城南都御史溫純誌銘



大同府志  
同知 同社墓

郊東北十里福祿山

贈光祿丞安

修墓城北三里崇正間賜葬

國朝總兵穆生

墓城西北五里順治年間

賜葬

副將羅光敏

墓在城南三里

以上天鎮縣

北魏定陵公

跋塚在豺山魏書道武幸豺山收跋刑之

後太武幸

山校獵忽暴霧四塞怪問之羣下僉言跋

世居此祠

猶存或者能致斯變乃遣建興公古鞠祭

以牲霧

除後太武蒐狩之日每先祭之

西京命翰林

行制移刺履勒銘墓碑

然良弼墓良弼居宣寧大定十八年卒于

以上豐鎮廳

大同府志卷之終

古蹟

三







篇而以物產附焉志風土

冀州厥土惟白壤厥賦上上錯厥田中中

禹貢

正北曰并州其山鎮曰恒山其澤藪曰昭餘祁其川虞池

漚桑其寢冰易其利布帛其民二男三女其畜宜五擾

其穀宜五種

周禮職方氏

恒山五穀之所蕃熟四種五獲焉

管子

趙四戰之國其民習兵

史記趙世家

代北之民任俠為奸不事農業

史記貨殖傳

趙分得趙國鍾代石北民俗儻枝好氣為姦不事農商白

大全晉時已患其剽悍而武靈王又益厲之故冀州之部

盜賊當為他州劇定襄雲中五原頗有趙齊衛楚之徒

其民鄙樸少禮文好射獵鴈門亦同俗

漢書地理志

代郡戶口殷眾士馬控弦動有數萬

魏志裴潛傳

冀州地有險易帝王所都亂則冀安弱則冀彊荒則冀豐

晉書地理志

北魏太宗永興中勅有司勸課民由是力農歲數豐穰畜

牧滋息

魏書食貨志

鴈門馬邑定襄皆接連邊郡習尚與太原同俗人性勁悍

習於戎馬自古言勇俠者皆推幽并云

隋書地理志

後魏樂府有北歌亦曰真人歌都代時命宮人朝夕歌之



周隋始與西涼樂雜奏至唐存者五十三章而名多不

可辨唐樂府序

宋太宗遷晉雲朔之民於京洛鄭汝之地墾田頗廣民多

致富亦由儉吝而然乎宋史地理志

北土重同姓並謂之骨肉有遠來相投者莫不竭力營贍

若有一人不至者以為不義不為鄉邑所容宋史王仲德傳

并州北有代朔其民執干戈奮武衛風氣剛勁自古為用

武之地遼史地理志

并州以北勁風多寒隨陽遷徙歲無寧居遼史兵衛志

山後民質樸緩急可用元史耶律楚材傳

自代北至雲朔等州北臨廣野封畧之內南北錯居寰宇記

大同俗尚武藝風聲氣習自古而然明一統志

雲北邊大藩鎮其土砂瘠其俗驕悍軍氓雜處號稱難治

明布政李承式記

大同雖涉邊徼商旅輻輳以浮靡相炫耀尚侈而少質實

安分而鮮爭訟懷仁無負氣健訟之習有務農勤本

之實山陰儉約樸素惟務農業應州墾田為生其

民淳其事簡渾源以淳厚相尚以勤儉為本靈邱

民知力農士頗向學廣靈地磽而民樸勤於稼穡雖

有武健之習而賦質淳慤不失古風陽高其風樸畧



其俗徑遂勤耕耘務牧養 天鎮地臨邊塞人情樸魯

男務耕牧女不績紡天寒地瘠民貧俗儉 並見省志

以上各條並遠據往說以著梗概其近今風俗得諸見聞者列為九條曰

士曰農曰工曰商賈曰祭祀曰喪葬曰冠笄曰婚姻曰節序

撮舉大畧如左備採覽焉

其士上者質直自好愛名節次亦謹愿畏事無武斷干訐

之行然大率多貧乏讀且耕者什之五或兼資貿易焉

簪弁子弟服習弓馬由武科行伍起家至提鎮者先後

接踵猶見幽并氣習 其俗 其農力作勤苦然薄於糞壅又多砂磧礪确風高霜早清

頃前後始種麥豆五月種穀粟秫稷蕎麥各種豐歲

畝不滿斛故曰僅在食有蟋蟀儉嗇之遺至邊外種地

農民兼事畜牧春來冬去若候鴈然率非土著多穴土

為室以蔽風雨近則漸成井邑矣

其工皆樸拙不能為雕華鏤刻故奇技淫巧不鬻於市木

石金錫之屬無擅長者陶埴合砂土為之制極麤陋惟

其畫工較多其他宮室衣服器皿裁足備用而已

其商賈俱山右人而汾介為多踵世邊居婚嫁隨之本城

市廛及往來運販歸化綏遠各城者皆逐微末自給非

能擁厚貲居奇擅利者也

其祭祀凡廟祀先祖時節獻新之禮士大夫家多行之庶



民或闕畧焉然頗恪於外祀演劇獻牲酬神許愿所在  
皆有尤虔奉龍神每祈禱雨澤輒令女巫樂戶歌舞侑  
享愚民奔走若狂歲以爲常雖屢次曉諭各屬申慢神  
瀆祀之禁而窮鄉僻壤猶有仍沿故俗者  
其喪葬稱有無士大夫故家猶遵文公家禮不茹葷飲酒  
而鼓樂佛事沿習用之凡始死夜半焚楮帛於五道廟  
其曰送盤纏旣殮設靈几然悶燈旁置瓦缶一每祭入酒  
食少許葬則納諸墓殮三日主人衰經夜詣城隍廟曰  
送燈親友弔奠曰燒夜紙葬無常期自不踰月至小祥  
大祥或除而後葬非古也葬之前五日下午啟名辭靈受  
親友祖奠禮昇輜用二十四人或三十二人不等銘旌  
神轎魂旛容樓之類近古精祿牆翬崇旒遺制而華麗  
過之旣葬三日主人祭於墓名圓墳復三無行卒哭虞  
祔祭者幼孩死則棄諸野骸骨暴露非古者下殤用棺  
衣之禮屢經剗切曉諭收瘞禁止漸知悔悟矣  
其冠笄禮久廢男子生彌月或週歲辨紅線鎖帶之十二  
歲始蓄髮俱設祭各廟宇或竈神前然亦有不行者女  
子未字編髮爲髻餘以下垂如髮髻嫁則總而爲髻焉而  
其里巷間女子年可十二三猶袒露臂腕雜入羣兒隊中  
嬉戲徵逐相忘渾噩非所以別嫌疑養廉恥也久經出



示嚴禁其有不率者惟父兄是問此風稍戢  
其婚姻儀節大都禮俗相半而不計奩聘不事奢靡曰換  
帖曰行茶曰通吉曰催粧卽古問名納采納吉請期遺  
意及期婿家輿聘眷二人迎女以諸母媢禮節者攝之  
女子之諸姑伯姊一人亦輿至婿門曰送眷絕無行親  
迎禮者合巹後九日女隨婿歸寧曰回門卽古反馬意  
也彌月亦如之女留一月乃還名住對月貧者一帖爲  
定其婚嫁尤早云  
其節序立春前二日僂人樂戶各扮故事鄉民攜田具唱  
農歌演春於東郊元旦壘熾炭於門如浮圖狀名曰旺

火五日剪綵紙爲人小兒擁抱戲通衢曰送窮有攬而  
去者曰得富八日爲諸星降僧道諷經祭星元夕前三  
日起城市張燈結綵壘旺火郡城四大街尤盛各鄉村  
扮燈官吏秧歌雜耍入城遊戲十六日郊遊云除百病  
是夜設祭送先祖婦女多哭泣者清明夜亦如之二十  
日爲小添倉二十五日爲大添倉添買米麩柴炭等物  
然燈於貯所曰照虛耗二月二日各村疇社釀錢獻牲  
謂之扶龍頭提壺以井水注之曰引青龍三月三日造  
醋胚清明樹鞦韆是月多賽龍神廟爲春祈八月秋  
報亦如之四月八日爲佛誕赴北嶽進香六月六日東



郭外菜園開郡人爭攜壺榼往謂之踏青是日及初伏日造酒醬躡麪曝衣二十三日獻供關帝廟擡閣花盤窮極巧麗觀者填塞街巷七月十五日蒸麩人為小兒獻是月逢奎日十大夫祭奎星於南郭外中秋家陳瓜果并相饋遺先是四鄉載西瓜入城者日數十車俱堆貯四大街碧潁山積不可枚數至是晚擔運一空九月家蓄菜蔬禦冬十月朔日剪紙焚化為送寒衣或於墓或於門外婦女夜哭如清明十五日文士多具酒肴至夜半觀月如中秋節十一月八日作臘醋藏冰是月多嫁娶至如元日冬至賀年節清明十月朔掃塋墓端午飲雄黃酒佩辟兵符七夕乞巧中秋賞月重九登高除夕守歲之類與各處畧同

物產附

**稷** 黍有黃白赤黑數種皆可以釀酒金設西京酒使司大定中白登天城等處除稅課外願自承

**穀** 北人呼為穀子亦曰小米有青紅黃白數種又穀之黏者曰梁穀亦有大小二種

**高粱** 有紅黑二種米可植之然有粳稻而無糯稻也

**大麥** 作粥飯殊滑藜可為餈有露仁不露仁諸種

**小麥** 皮薄多麩有火麥紅麥白麥和尚麥諸種

**莜麥** 一名油麥省志云麥之別種

漢武帝勸民種宿麥種收隔歲故名大同地寒無宿麥春分前種小麥春分後種大麥明史御史徐汝圭條上邊防兵食謂宜大產



也似非 積麥 皮肉相連土人謂之草麥造 蕎麥 夏秋種 較莜麥

為遲有黑斑二種諺曰中秋有月則蕎麥多實又一種 名苦蕎苗似蕎麥而莖青花白實似蕎麥而稜角不峻

味最苦淘去苦 黑豆 有夏黑豆麥樓子一窩峰三種夏 汁可作糕餌 黑豆麥樓子就地蔓生花白顆小

一窩峰高幹叢生花紅 黃豆 大小 豌豆 春冬種冬種者 顆大今土人謂之料豆 二種 豌豆 角多有白綠二

種白者味 菜豆 有菜豆二種 大豆 即蠶 小豆 赤 甘作羹佳

二 大麻 色蒼而圓 胡麻 莖如石竹花小翠藍色子宜榨 料庫供 玉蜀黍 其苗葉背似高粱穗如秕麥葉旁別出 奉內府 一苞垂吐白鬚久則苞坼子出顆顆攢

簇俗名 黃芥子 子可榨油又一種 干穗穀 高四五尺葉 玉秫 紫色者名黑芥子 漚子 瀾而尖苗帶

赤色葉旁皆穗故名其 稗子 顆大而白與野生者別五 子碎小光滑黏而可食 代史安重榮課民種稗即

此 以 芥菜 白菜 一種名箭幹菜長圓而白葉少一 上穀屬 種名梵菜幹扁短而葉多又名黃

芽 回回菜 形似劈蘭煮 蔓菁 一名諸 蘿蔔 有紅黃 菜 一名玉蔓菁 蒿苳 一名菠 蓆菜 生熟皆 若蓬 俗

根如碗大 甜菜根葉 芹 莧 韭 出應州者佳名金城韭本草考 皆可食 文帝 根如紫草莖青紫色味甘 苣菜 有甜苦 龍芽菜

所植 蕨 寒廣靈太白山產者尤美 苣菜 二種 府南 地皮菜 形似 地筍 一名玉環俗 地蕈 金大同 山出 海苔 名地畱兒 地蕈 貢地蕈 蘑菇

蕈 鹿尾菜 俗名羊尾把又一種名苦 王瓜 菜瓜 大同 類 頗多有南瓜西葫蘆 西瓜 結實極多 瓠 俗名葫蘆有合

甜瓜 苦瓜 香瓜 等種 蒜 藤蒿 葱 茄 以上 等 長瓠 質似葫蘆上蒂尖小以 蒜 藤蒿 葱 茄 以上

種 瓜蔬 杏 柰 榛子 葡萄 核桃 栗 楸子 山 屬 杏 柰 榛子 葡萄 核桃 栗 楸子 山

查 元大同路 郁李 李 梨 沙果 以上 果屬 芍藥 篆枝 有山查課

大同府志

大同府志

大同府志



蓮 剪紅羅 珍珠花 葉似金雀而枝幹長大 蝴蝶滿園春 即百股嬌

十樣錦 葉似莧而大 金蓮花 陽高縣西雕窠崖遍開黃花土人名金蓮花按金世宗嘗幸金蓮川周伯琦紀行詩跋云金蓮川草多異花有名金蓮花者似荷而黃疑即此種 山丹 拳丹

即百餘朵 夾竹桃 板竹 一名錦蝴蝶 石竹 翠雀 五六月開花形似雀翠色

一莖十餘朵 金盞 玫瑰 石榴花 水紅花 鳳仙 葵

花 雞冠 玉簪 菊花 罌粟 迎春 月季 萱

花 荷包牡丹 牽牛花 以上花屬 燈籠草 漢宮秋 莎

草 俗名葇草也 藍 今謂之靛元大同天成俱置織染局 蒿 薺 初苗可食子為葶藶 苜

菘 水葱 香白 青健 菅 葦 馬蘭 蓬 艾

金絲草 以上草屬 黃精 車前子 黃連 金大同貢黃連今無 枸杞

甘草 金大同貢枸杞甘草 獨活 黃芩 藜蘆 蘆之有黑皮者忌甘草 肉

菴蓉 陶宏景曰代郡鴈門屬并州多馬處便有之言是野馬精落地所生時似肉 葳靈仙

蠶實 苜蒲 茯苓 遠志 麻黃 土人掘根食之名苦椿菜 地榆

蒼耳 一名羊負菜 益母草 蒺藜 款冬花 狗脊 大

黃 草烏 藿麥 即石竹苗 防風 知母 前胡 茅香

秦艽 羌活 大戟 苗名澤漆 香附 黃芪 茵陳 紫蘇

柴胡 五味子 馬兜鈴 荆芥 蒼朮 地椒

牛蒡子 桔梗 細辛 苦參 猪苓 芎藭 即江蘿根

黑白牽牛 即地丁 蓖麻子 升麻 狼毒 蒲公英 三

稜 半夏 苦丁草 天仙子 南星 金櫻子 澤



蘭 藁本 甘遂 木賊 巨勝子 兔絲子 王不

留行 茯神 旋覆花 葛根 黃柏 斑毛 石膏

皮硝 烏頭 破故紙 龍骨 虎骨 鹿茸 牛

黃 熊胆 麝香 以上藥屬採掠 山多產藥材 松 栢 檜 楊

柳 榆 一種名夾榆文理盤錯糾 樺 槐 楸 椿

椴 煖木 陸深燕間錄山西地寒北上鴈門更寒雲 棟

檀 杆 性堅緻較諸 楮 以上 鷹 鴻鵠 烏 鴈

鴉 鴿 雉 鳩 鴟 鵂 鶻 鷂 鷓 鷯 鷓 鷯 鷓 鷯

為沙燕與 鷓 鷯 鷓 鷯 鷓 鷯 鷓 鷯 鷓 鷯 鷓 鷯

脚無後趾岐尾敢急羣飛山山北方沙漠即俗謂 慈老 徐

溥詩引塞上一種似鴈非鴈借鴈往來本 鵠 鴈 鴈 鴈

草云慈老箸爪修喙翎 風來颯颯可觀 鵠 鴈 鴈 鴈

中二郡俱 半翅 徐渭集 雀 一種名鐵雀爪 鵠 鴈 鴈 鴈

百靈狀如雀頭白眉黑其翅尾亦黑白相間按元史扎

木合言於汪罕曰吾於君是白翎雀他人是鴻鴈耳蓋

言自翎雀常在朔漠窮冬冰寒不易 鷓 鷯 告天兒

其處也故元世作樂有名白翎雀 鷓 鷯 告天兒

石雞 似雉差小紅嘴爪肉味香美疑 鷓 鷯 告天兒

印鷓雞也又一種名黎雞黑色 鷓 鷯 告天兒

應山紅 鬪呆漢 疑即 水哨臘 青鶯 脊令 灰

鸞 啄木 以上 虎 今渾源靈邱 豹 唐鴈門與唐二郡 熊



鼠 鼯鼠 鼯鼠 俗名黃鼠食地椒味美 夜猴 鼯身狐首 羊 元與

同二路俱 黃羊 山羊 即獐豕 野豕謂之獐 犬 貓 牛

野牛 一名犛牛尾大如斗可為左蠶 蜂 唐鴈門郡 螢 唐雲中郡貢今無 以上毛屬 蜂 貢蜜今無

蜘蛛 蛭蟻 蠍 蠅 蝻 蟋蟀 蠅 蝸牛

蠍 壁蝨 螻蛄 蝴蝶 蟻 蚊 蚋 蛙 蝙蝠

以上 銀 廣靈縣窩崖豐鎮乾柴 鐵 本草云廣靈 爐甘石 蟲屬 銀 洞俱有舊礦今封塞 隸西寧縣出瑪瑙當為金西京

金銀之苗也省 瑪瑙石 金大同府貢環子數珠按今直 志云靈邱有之 隸西寧縣出瑪瑙當為金西京

路之宏州地 花斑石 出廣靈縣 凝水石 即寒石綠 碾 非今府境矣 九層山 水石 碾

玉砂 金大同府貢石綠碾玉砂當 天冰 出廣靈山中塊 似紙層層剝之表裡精瑩如玻璃水晶狀然 石炭 大同 脆而不堅土人用以映窻令內外朗照云 懷仁

西山中出者極多惟廣靈出 煨炭精 礬 一統志大同出 膩細碎而無煙埋爐火日夜不滅 礬 綠礬 以上金

石鹽 金大同貢煎鹽撈鹽又渾源產鹽承安三年西京 屬 煎鹽石價二貫八百文撈鹽石價二貫文今應州

山陰等處出小鹽豐鎮出 礬 一名花鹽土多斥鹵土人 大鹽即煎鹽撈鹽之別 刮而煉之既成錠鬻販四

方大同業者頗眾舊志 硝 取鹽之渣滓再 云出陽和橋頭村者佳 加煎煉而成 包金土 石所

色類金繪工 土紅 出太白山 土粉 壘壁可代石 紫土 可 取以綯采 可印圖章 灰甚潔白 紫土 拭

刀土子 土中出形如大豆碾細 塗器 有黑白黃綠各種 入桐油中塗器物易燥 凡盤盃器用胥極

樸 砂器 合砂土燒成質尤麓劣 不及潞安出者遠甚

大同府志卷之七終



大同府志卷之八

大同府知府吳輔宏纂輯

大同府志卷之八

大同為冀州北境恒山峙其南古者歲十一月北巡狩

至於北嶽所以考制度正禮法省風俗明黜陟甚盛典

也秦漢以來長駕遠馭之畧或及或不及焉而北魏啟

基雲代遼則陞為西京車轍馬跡之所至又史不勝書

矣

昭代時巡載舉與唐虞比隆郡雖介居邊徼實惟右翊迄

今望



翠華而呼嵩者猶詠蹈鼓舞弗衰何其幸歟志巡幸

唐虞天子五載一巡狩歲二月東巡狩至於岱宗柴望秩

於山川肆觀東后協時月正日同律度量衡修五禮五

玉三帛二生一死贄五月巡狩至南嶽八月巡狩至西

嶽十一月巡狩至北嶽皆如岱宗之禮

夏禹治水相山川之便利自冀州始及攝位巡狩度弱水

登鍾山遂得靈寶真文封之北岳

周成王巡狩至於北嶽北方諸侯朝於明堂

穆王北巡至於銚山之隊東升三道之墜獵於山北大風

雨雪作黃竹之詩以歸

秦始皇二十九年過恒山

三十二年幸碣石遂巡北邊

漢高帝七年冬十月帝自將擊韓王信距漢上從晉陽乘

勝逐北遂至平城

文帝十一年冬十一月行幸代春正月上自代還

後三年春二月行幸代五年秋七月復幸代

武帝元封元年冬十月帝親帥十二部將軍巡邊行自雲

陽北歷上郡西河五原出長城北登單于臺是年夏東

幸碣石自遼西歷北邊九原歸於甘泉

四年冬北出蕭關歷獨鹿鳴澤自代而還



天漢三年春三月帝幸北地祠恒山瘞元玉

章帝元和三年春北巡狩二月進幸中山遣使者祠北嶽

出長城三月車駕還宮

北魏太祖登國元年春二月幸定襄之盛樂息衆課農冬

十月帝自弩山遷幸牛川屯于延水南出代谷會慕容

賀麟於高柳

二年冬十二月巡松漠還幸牛川五年夏六月復幸秋

八月又幸

六年秋七月講武於牛川

十一年冬十一月帝討慕容寶至參合陂

皇始元年春正月大蒐於定襄之虎山

天興元年春正月車駕次於恒山之陽秋七月遷都

城

六年秋七月車駕北巡築離宮於豺山縱士校獵東北

踰巖嶺出參合代谷九月行幸南平城規度灑南面夏

大屋山背黃瓜堆將建新邑

天賜元年冬十二月車駕幸豺山宮是年至五年凡四

幸

三年春正月車駕北巡校獵至屋孤山二月幸代園山

建五石亭秋八月行幸青牛山西登武要北原觀九十



九泉

四年夏五月北巡自參合陂東過蟠羊山大雨暴水遂東北踰石漠至長川

五年春正月行幸材山宮遂如參合陂觀漁于延水  
太宗永興二年夏五月帝幸參合陂

四年秋七月東巡大獮於石會山冬十二月車駕北巡至長城而還

五年春正月大閱於東郊帝臨白登躬自校覽二月幸高柳川秋七月南次定襄八月還臨白登數軍實

神瑞元年春二月幸材山宮夏六月復幸明年冬十一

月又幸

二年夏四月車駕北巡五月次於參合冬十月行幸沮洳城

秦昌元年春正月行幸材山宮夏六月車駕北巡秋七月大獮於牛川

三年夏四月幸高柳中谷金輪解纜各百卷

四年夏四月南巡幸鴈門五月觀漁於灑水賜所過無出今年租賦

六年夏六月北巡至蟠羊山冬十月行幸代



大同府志 卷之八 巡幸  
七年冬十月車駕南巡出自天門關踰恒嶺

八年夏五月帝自鄴還次鴈門皇太子率留臺王公迎

於勾注之北六月北巡至於參合陂

世祖始光三年秋七月築馬射臺於長川帝親登臺觀王

公諸國君長馳射賜中者金錦繒絮各有差

神麿元年夏六月行幸長川冬十月北巡畋於牛川

三年秋八月行幸南宮獵於南山

太平真君二年春正月行幸溫泉

四年春二月車駕至於恒山之陽詔有司刻石立銘

五年秋九月帝自河西至於馬邑觀於崞川

高宗興安二年夏五月行幸崞山

興光元年冬十一月帝自中山還幸靈邱至溫泉宮

太安三年春正月畋於崞山

和平元年春正月帝自冀州北過恒嶽禮其神而還

二年春二月車駕至靈邱南山詔羣官仰射山峰無能

踰者帝彎弧發矢出山三餘丈過山南二百二十步

遂刻石勒銘

三年春二月畋於崞山遂觀漁於旋鴻池

顯祖皇興元年秋八月行幸武州山石窟寺

二年夏五月畋於崞山冬十月畋於冷泉



三年夏四月畋於崢山

四年冬十二月幸鹿野苑石窟寺

高祖延興五年夏五月幸武州山

太和元年夏四月幸白登山五月車駕祈雨於武州山

俄而澍雨大洽

二年春二月行幸代之湯泉所過問民疾苦夏四月幸

崢山是年至八年凡四幸

三年春二月幸代郡溫泉秋八月幸方山起思遠佛寺

是年至十四年凡十五幸

四年夏四月幸白登山五月幸火山秋八月幸武州山

石窟寺六年春復幸七年夏又幸

五年夏四月行幸方山建永固石室立碑銘於庭

八年夏四月行幸旋鴻池

九年夏六月幸靈泉池是年至十四年凡十幸秋八月

幸彌澤登牛頭山

十三年秋七月幸靈泉池與羣臣御龍舟賦詩

十五年秋七月車駕巡省京邑聽訟而還

十六年春二月巡省京邑聽理冤訟三月復巡省京邑

十八年春二月車駕自鄴北巡閏月癸亥次勾注陞南

壬申至平城宮甲戌謁永固陵壬辰帝臨太極殿諭在



代羣臣以遷移之畧秋八月北幸懷朔武川撫冥柔元  
諸鎮所過皆親見高年問民疾苦貧窘孤老賜以粟帛  
二十一年春正月車駕北巡二月癸酉車駕至平城甲  
戌謁永固陵氏車蓋游晉京邑萬分資將士各有差

北齊文宣帝天保三年帝親將師克捷於代郡獲畜十餘  
五年夏四月帝自晉陽至恒州黃瓜堆武上  
隋煬帝大業三年夏四月車駕北巡六月至鴈門諭邊郡  
文武朝於行宮飾廬清道以候乘輿奉觴上壽夏賜極  
厚

四年春三月車駕出塞巡長城秋八月親祠恒嶽河北  
道郡守畢集免所經郡縣租調一年

十一年秋八月帝自太原巡北塞幸鴈門十八年春又  
遷太宗天顯九年秋八月帝自將南伐九月次雲州拔河

陰冬十月畧地靈邱

十一年自將入鴈門冬十二月還幸應州唐大同彰國  
振武三節度使迎見畱之不遣長平

太宗應歷三年春三月如應州

十八年獵於西京諸山

景宗保寧四年秋七月如雲州



乾亨四年秋八月如西京九月幸雲州獵於祥古山

統和十六年秋九月駐蹕得勝口

十八年秋七月駐蹕於湯泉

二十年春三月駐蹕於鴛鴦灤是年至開泰九年凡六

幸

二十三年冬十一月觀漁桑乾河

興宗重熙六年夏四月獵野狐嶺

十一年春二月如鴛鴦灤十四年春又幸十八年春又

幸

十二年帝親征夏國會大軍於九木九泉冬十一月幸

西京大康十二年春二月駐蹕於大同夏四月大興

道宗清寧六年春如鴛鴦灤是年至太康六年凡五幸

咸雍四年春正月獵炭山振西京饑民

九年冬十月幸陰山遂如西京詔行幸之地免租一年

大安六年春二月駐蹕雙山

壽隆三年春正月駐蹕雙山

天祚乾統五年春二月幸鴛鴦灤是年至保大二年凡六

幸

天慶九年秋九月幸西京十年冬復幸

金世宗大定六年春二月上如西京朝謁太祖廟夏五月



幸華嚴寺觀故遼諸帝銅像詔雲中大同縣及警巡  
給復一年六月獵於銀山  
二十七年秋獵八月次雙山子

元太祖六年春二月帝自將南伐克捷於野狐嶺取大水  
樂豐利等縣

太宗三年夏五月避暑於九十九泉秋八月幸雲中  
英宗至治元年秋八月車駕駐蹕興和

二年秋七月戊午車駕次應州曲赦金城縣囚辛酉  
渾源州

明成祖永樂十二年春三月親征至大同夏四月次興和

二十年夏六月親征 谷

英宗正統十四年秋七月親征率五十萬人出居庸關丙  
午次陽和八月戊申次大同

武宗正德十二年秋九月帝如陽和冬十月帝親督諸軍  
巡邊駐蹕大同

國朝 十四日 幸天  
聖祖仁皇帝康熙三十五年親征厄魯特噶爾丹冬十二月

自塞外  
回鑾十一日 幸雲岡石佛寺次日 幸大同郡城小民



扶老攜幼跪迎道左  
天顏愉悅聽民瞻仰敬設

行宮於在籍松潘總兵臣高鼎家十三日東行幸陽高

國衛十四日幸天鎮衛皆

駐蹕焉是年欽奉

上諭康熙三十六年大同府屬州縣衛所應徵地丁銀米著

全與蠲免浩蕩

鴻恩亙古未有臣民感戴於府城東關外建造

萬壽亭勒石恭紀

大同府志卷之八終

大同府志卷之九

大同府知府吳輔宏纂輯

封建之制

封建之制自王綰李斯異議後世陸機曹冏李百藥柳

宗元之徒各主一說互相排詆於是不可復置喙矣夫

古那君諸侯即後之守令也西漢中葉以來始判而為

郡縣沿及唐宋下風前明皆無分土治民之責然考歷代

世家年表列傳或食封郡邑或拜爵名藩莫不誓之河

山旂以休命亦猶然古親親尊賢崇德報功之典一時

帶礪之榮也志封爵



商周

代子爵商之支子受封至戰國初僭號為王後趙襄子滅之

趙其先與秦同祖周穆王以趙城封造父由此為趙氏去周適晉世為晉卿襄子母恤北滅代烈侯籍立為諸侯至武靈王時攘地北至燕代西至雲中九原自號主父傳至幽繆王遷滅於秦

代成君趙周襄子兄伯魯子襄子既併代憐兄伯魯不得立而卒因封其子成君卒子浣嗣襄子弟嘉逐浣而自立嘉卒國人共殺其子復迎立浣

代安陽君趙章武靈王長子已立為太子後愛小子何廢章而立之惠文王二年封蔚文君廉頗孝成王十五年封蔚按史記正義曰蔚文蔚州地今載入者是時未有靈邱廣靈縣也若七年以靈邱封楚相春申君自是惠文時所取齊地與大同無涉代王趙嘉幽繆王八年秦滅趙趙公子嘉率其宗數百人奔代自立為代王東與燕合兵

秦

趙王趙歇故趙後二世二年張耳陳餘立為趙王三年項羽徙為代王後復徙王趙為漢韓信所破滅



代王陳餘漢元年項羽封爲南皮侯餘襲敗常山王張耳  
迎代王歇還趙立餘爲代王使其相夏說來守代餘留  
公傅趙漢韓信張耳擊斬之

漢

代王劉喜高帝六年大封同姓以雲中鴈門代郡五十三  
縣立兄宜都侯喜爲代王七年棄國自歸廢爲郃陽侯  
按班固諸侯王表序曰自鴈門以東至遼陽爲燕代  
又曰景武以來長沙燕代雖有舊名皆無南北邊矣如  
淳曰代北更置緣邊郡是漢初代國有北邊也

代王劉恒高祖十一年封未幾遷於晉陽後入繼大統是

爲孝文帝

代王劉如意高帝七年封幼未之國使代相陳豨來監國

九年徙封趙王諡曰隱

恒山王不疑高后稱制元年封二年薨諡曰哀更立襄城

侯義爲恒山王四年立爲帝更名宏以軹侯朝爲恒山

平王文帝立坐非孝惠子誅

代王劉武文帝子二年封三年徙王淮陽十三年復徙王

梁諡曰孝

漢書賈誼傳文帝以代王入卽位後封代

爲兩國立皇子武爲代王參爲太原王後又徙代王武

爲淮陽王而太原王參爲代王盡得故地



代王劉參文帝子四年由太原王徙封諡曰孝子共王登

嗣再傳至剛王義徙王清河

尉文侯劉丙趙敬肅王子元朔二年封諡曰節子犢嗣坐

酎金免按尉文即趙廉頗所封地

平城侯劉禮河間獻王子武帝時封元狩三年以罪免

平城侯劉邑成帝時封子珍嗣漢地理志平城屬鴈門

郡

平邑侯劉閎成帝時封史記趙獻侯十三年城平邑漢

地理志代郡有平邑縣

鹵侯張平高祖十二年以中尉從入關擊項籍黥布盧綰

功由南陽侯晉封邑二千七百戶諡曰嚴子勝襲孝文

四年國除漢地理志代郡有鹵城

東漢

代王盧芳建武十六年封芳乘王莽之亂借邊外兵掠地

光武數討之至是入居高柳乞降遂封代王十八年復

亡出塞

平舒侯馬成世祖討河北從征伐建武七年以平李憲功

封二十七年徙封全椒侯子衛嗣漢郡國志平舒屬

代郡

武進侯隨憲昱弟建武十二年封



蜀漢

新興王劉恂後主子景耀二年封後入晉襲後主安漢公

爵按新興郡魏地遙取美名以為封號如蕭梁定襄

侯趙宋雲中侯之類皆是

魏

武進亭侯魯芝以討諸葛誕功封後進爵聚城鄉侯按

武進前漢屬定襄郡後漢屬雲中郡建安中已廢魏武

置新興郡是封號尚沿舊縣名也他皆類此

晉

代王司馬演武帝子太康十年封有廢疾不之國謚曰哀

并以成都王子廓為嗣尋徙封中都王

代王司馬晏武帝子由吳王徙封

代公拓拔猗盧建興二年封初并州刺史劉琨乞師代公

助兵三萬琨甚德之請於朝封為代公又與琨并力討

劉曜於晉陽破之遂晉爵為王傳至道武稱帝改國號

魏王

定襄侯劉興廣武侯琨兄為東海范陽二王所用有功封

謚曰貞子演嗣

定襄侯衛操勸說代公猗盧匡助晉氏東竄代公司馬騰聞

而善之表加將號封侯



雲中侯衛雄操從子從代公赴晉難表其勲封侯

劇陽子魏舒武帝時為司徒封諡曰康東按劇陽漢縣屬

鴈門郡晉省

北魏

新興王元俊太宗第七子泰常七年封後坐法降公旋國

除按晉志惠帝改新興為晉昌郡即北魏之永安郡

也地形志所載新興郡則梁武僑置非故郡地

定襄縣王元鸞恭宗孫太和十九年以赭陽失利由城陽

王降封

代郡公元永昭成之後孝莊時賜爵後別封朝那縣子邑

三百戶以代郡公廻授子景安

新興公元丕河間公興都子孝文時由平陽王公改封諡

平曰平

靈邱郡開國公斛斯椿梁以汝南王越為魏主椿率所部

歸封後入關

梁城侯高允以謀平涼州功封汝陽子後晉封子忱嗣

平地形志恒州有梁城郡

平舒侯許謙皇始初封後晉封高陽公子洛陽襲

平舒侯燕鳳世祖時以舊勲封子才襲傳至世宗三世

武周縣侯王懷廢帝中興初封孝武永熙中改封虞鄉



地形志武周縣屬恒州代郡

永固縣侯薛孤延廢帝時封後從齊神武平鄴進郡公齊

受禪別賜爵都昌侯

平舒縣開國伯邢巒世宗時以宿豫功封食邑五百戶子

遜嗣永安二年坐受任元顥國除通考云巒初襲父

封平城子以戰功晉平舒縣伯

平城縣伯裴炯植弟颺子明帝初封晉爵侯後改封高城

平城子邢穎太武時封

雲中子梁恭越孫由祝阿侯降封郡由平陽子公以封

廣牧子陸清都麗弟頽子

平城子伊益生馥孫

新興縣開國子穆衍魏郡公罷子

平舒男范含樂出帝時封武定末進侯

延陵男李鳳以從尉元定南境封漢地理志延陵屬代

郡

萬年鄉男元孚臨淮王昌弟永安中封後從出帝入關

南朝

新興王劉嵩宋明帝第十一子齊受禪降封定襄縣公

桑乾王元聘梁武帝時封

新興郡王蕭大莊梁簡文帝第十三子大同元年由高唐



縣公晉封 按潁州新興郡蕭衍置見魏地形志高祖

新興王陳叔純宣帝第二十八子至德元年封入隋為河

北合

定襄侯蕭祗梁封太清三年北降

定襄侯張冲臨沮伯邵孫梁武帝時以軍功封晉人關

廣牧縣子庾域梁武帝時以佐命功封後進爵伯子子興

嗣

西魏

新興縣伯豆盧永恩以迎孝武封邑五百戶

靈邱縣伯侯莫陳瓊崇弟以軍功封邑三百戶大統三年

晉侯周閔帝初晉武安縣公

平舒縣伯蔡襲大統中封 按周書蔡祐傳父襲正光中

拜齊安郡守從孝武西歸賜爵平舒縣伯祐從周文積

功封萇鄉縣伯進為公未嘗嗣父封也省志誤以襲為

太祐今更正

永固縣伯王勇恭帝時由新陽縣公別封邑五百戶廼授

兄子元興 地形志恒州代郡有永固縣 并王食邑

北齊

平城縣公堯雄魏永安中封伯進爵為公增邑五百戶諡

武恭子師嗣



北周恭帝

代王宇文達文帝子武成元年封代國公邑萬戶建德三年晉王大象二年國除 按周書代巽王傳大象元年詔以潞州上黨郡為代達出就國是潞為代王食邑非即以潞為代也存之

太平縣公史靜從周武帝平齊戰歿追封子萬歲襲 按隋書地理志絳郡太平縣後魏置後齊省臨汾縣入焉 又雲內縣後齊為太平縣周改雲中開皇初改是齊時有兩太平縣至隋開皇中萬歲以功復封則當專指絳郡與雲內無涉

鴈門郡公田宏孝閔初由鵠陰縣公晉封邑通前二千七百

戶後又增五百戶子仁恭襲

神武郡公竇毅天和六年封 按隋志後魏置神武郡後

齊改曰太平後周罷是亦沿古郡名以為封號也

平齊縣公柳慶孝閔初進封諡曰景子機嗣

鴈門郡公楊廣即煬帝大象末封

平寇縣伯馮恕為晉公護所委信位至儀同三司

平齊縣伯韋瑱孝閔初由長安縣子進爵增邑五百戶天

平初追封公開皇

隋王

六司

封爵

九



代王楊侑元德太子子大業末由陳王徙封即恭帝

平寇縣公李景開皇初封大業間晉封滑國王隋志平

寇縣開皇初置大業間改崞屬鴈門郡

唐宗祚自漢感漢晉公黓也委計立至始同

代王李簡太宗第十二子貞觀四年封一云貞觀二十四

年改封豫王為代王

代王李宏高宗第五子永徽六年封顯慶元年立為皇太

子

恒王李撝睿宗第二子垂拱三年封尋改封衡陽郡王

按唐之恒州今直隸真定府非北魏恒州也然於漢則

為恒山郡張晏曰恒山在郡西則固以恒山得名姑存

之

恒王李瑱元宗第二十七子開元二十三年封

代王李譔德宗第八子本封縉雲郡王建中二年追封

新興郡王李德良長平王叔良弟武德初封孫晉襲

定襄王李大恩

安邊郡王郝廷玉以保河陽禽徐璜玉功累封唐地理

志興唐郡本安邊郡

新興郡王李誠代宗孫端王遇子

鴈門郡王李淳憲宗孫澶王忱長子



定襄郡王郭英父太原郡公知運子廣德元年以軍功封  
定襄郡王阿史那存禮安祿山將歸降封

鴈門郡王田承嗣初從安祿山代宗時以歸降封子緒尚  
安主襲封卒子季安襲

鴈門郡王王智興太和初以破李同捷勳封

代國公李倓元宗孫陳王珪第五子

定襄公李宏號王鳳子

代國公李靖貞觀十四年以戰功封十一年改封衛國公

諡景武子德謨嗣

代國公郭子儀至德中以收東都功封上元三年晉封汾

陽王諡忠武

代國公郭元振先天二年以扈衛功由館陶縣男晉封

代國公安金藏中宗時嘗自剖腹以明睿宗寃開元二十

二年封

代國公郭曜子儀長子至德中以父勳封太原郡公後襲

封代國公諡曰孝貞元三年以弟駙馬都尉清源侯曖

襲卒子鑄嗣

代國公王涯太和元年由清源縣男晉封甘露之變被害

新興郡公趙文恪武德二年以佐命功封

雲中郡公慕容道奴開元初封



鴈門郡公苾悉頡力本郁射施開元初封

平城郡公高拱毅本高麗人開元初歸降封

新興縣公王君愕武德初封太宗時從征戰沒贈邢國公

新興縣公馬三寶柴紹家僮從定京師平薛仁杲封新興

縣男貞觀初晉封

靈邱縣伯渾廻貴官豹韜衛大將軍

宋

新興郡王吳蓋乾德中以憲聖后弟封

代國公趙元億太宗子至道三年追封

代國公潘美太平興國中封尋晉韓國公

雲中侯趙德欽魏王廷美子由雲州觀察使追封

新興郡侯趙從郁英國公惟憲子贈金州觀察使新興侯

遼國公宗敏

恒王耶律隆慶景宗第四子乾亨二年封統和十六年徙

封梁開泰初更王晉國又進秦晉國王

恒王蕭朴國舅族聖宗時由蘭陵郡王晉封重熙初改封

外韓王肅

金公晉姓

并王完顏永中世宗子明昌二年由趙王改封三年晉封

鄯王 按百官志凡封王國號并趙等為大國代等為



次國

代王完顏充本名神土懋忠烈王宗幹子皇統間由淄國

金公晉封

代王高植遼太師牟翰五世孫海陵時拜司空由莒王晉

封

應國公完顏杲本名撒离喝安帝六代孫皇統三年封海

陵時晉封王

代國公完顏劬真保景祖子正隆時自王例降封

代國公完顏活女華王婁室子正隆中由廣平郡王降封

諡貞濟

代國公完顏宗尹本名阿里罕太尉幹倫子大定中拜平

章封

應國公突合速宗室子正隆二年贈王

應國公完顏樂善衛王襄子大定時封

代國公完顏歡都天會十五年追封諡忠敏

元

并王晃火帖木兒河平王昔里吉子泰定二年由嘉王改

封

雲中王牙牙由康國王改封省志云雲中王牙牙阿沙

不花弟由康國公晉封按元史阿沙不花傳牙牙封康



國王生六子阿沙不花最賢又云母弟脫脫爲名臣又  
按康里脫脫傳脫脫父曰牙牙由康國王封雲中王阿  
沙不花之弟此承脫脫言省志以牙牙爲阿沙不花弟  
誤矣且二傳俱不言牙牙封公是由康國改王雲中其  
非晉封可知

雲王字魯海右丞相搠思監會祖至正十八年追封

宣寧王速哥諡忠襄子忽蘭孫天德子思俱治封雲國公

宣寧郡王乃蠻台木華黎五世孫至元三年襲國王爵至

順問封

宣寧郡王帖木兒不花至大四年封

宣寧郡王阿憐帖木兒至順元年封

懷仁郡王亦思丹至大四年封

雲國公鐵哥木成宗時追封諡簡肅

應國公曲樞武宗時以保傅太子功封

雲國公趙秉溫皇慶元年追贈諡文昭

雲國公幹羅思天歷元年追封諡忠懿子鎖乃襲封諡貞

即閔

威寧郡公月舉連赤海牙至順中追封諡襄靖

雲國公買住至正二十七年封

鳳門郡公塔塔統阿至大二年追封次子力渾迷失亦封



雁門郡公

雲中郡侯茂忽神諡曰襄

雲中郡侯僕文質追封諡忠襄

明

代王朱桂太祖第十三子洪武十一年封豫王二十五年

改封代是年就藩建文時以罪廢為庶人成祖初復爵

正統十一年薨諡曰簡世子遜熾先卒諡悼戾孫隱王

仕壘嗣追封世子為戾王仕壘薨子惠王成鍊嗣宏治

二年薨子聰沫先封武邑王卒其子懿王俊杖襲代封

追封聰沫為思王俊杖薨子昭王充耀自泰順王嗣薨

子恭王廷琦自泰興王嗣薨子定王胤鉉無子弟胤

鈞嗣薨子康王鼎渭嗣薨子彝嗣薨子傳嗣崇正十

七年闖賊陷大同闔門遇害

廣靈王朱遜焜代簡王第二子永樂二年封諡榮僖子莊

裕王仕塏襲薨子順簡王成錠襲薨子宣和王聰漢襲

薨子康定王俊槐襲薨子榮昭王充鍵襲薨子廷埏襲

山陰王朱遜焄代簡王第四子永樂二十二年封天順五

年徙王蒲諡康惠子仕颯襲

靈邱王朱遜烜代簡王第六子永樂二十二年封天順五

年徙王絳州諡榮順子仕塲襲



宣寧王遜焞代簡王第七子正統二年封天順五年徙王  
 澤州諡靖莊子仕羸襲按元志宣寧縣屬大同路明  
時已廢

懷仁王遜焞代簡王第八子景泰七年封天順五年徙王

霍州諡榮定子鎮國將軍仕燎先卒孫成鈿襲按明

史諸王世表有潞城襄垣隰川三王皆代簡王子外封

故不具錄

宣寧侯曹良臣洪武三年封祿九百石予世券子泰襲坐

藍玉黨爵除

威寧伯王越成化十六年以戰威寧海有功封祿一千二

百石十七年復以鹽池功增祿四百石十八年再以功

增祿五十石諡襄敏明史地理志大同北有威寧海

子

按舊志封建晉代公拓拔猗盧後即接明代藩諸王

以虛封槩置不錄未免挂漏矣嘗攷魏晉以來多有

非其境內之地而遙封者如蜀漢劉宋之新興王蕭

梁定襄侯趙宋雲中侯之類是也有郡縣名已更而

封號沿舊者如北魏之新興王北周神武郡公明宣

寧王之類是也惟趙以靈邱封楚相春申君自是惠

文時所取齊地西魏懷仁縣公李衍陳懷仁縣伯華



皎自指東魏所置懷仁縣即梁青州地隋封平城郡  
 公邱和當時實有太原郡之平城縣即今和順縣地  
 非沿舊號若此之類不得假借通志變文曰封爵採  
 錄頗詳今從之而增其所未備者然竊疑所載西魏  
 萬年縣公崔詵萬年縣子于實薛檜隋山陰縣公蕭  
 該皆與山西無涉蓋北魏代郡雖改萬年尹而其時  
 別有馮翊郡之萬年縣不當以雍傅恒山陰即河陰  
 縣金大定中更名該之封在開皇初當為陳會稽郡  
 之屬縣平陳後始廢亦屬遙取以為封號不當為大  
 同之山陰也故附辨於此

大同府志卷之九終







